

2011 搶硬

# 80後 騎呢新工 大起底

截稿前(6/1)最低工資落實嘅28蚊，對80後嘅窮民嚟講叫爭番啖氣，唔使無止境咁被人剝削，算係新一年嘅好開始！

不過有時打工，又唔係剩係為咗錢嘅，都重要睇埋份工係咪自己興趣，要做得開唔開心㗎嘛！所以今期就幫大家搵嚟6份，夠晒搞鬼嘅騎呢新工，當中唔少工種都勁啱網民做㗎！重未搵到工嘅80後，新一年想有新轉機，不如試試換隻新飯碗(你份工呀)，轉下口味啦！

## 環保達人 慳電搵銀

潮流興環保，連節約能源都可以成為工種？係呀！原來政府推行咗能源審計已經有10年，最近正式落實每座商住樓宇都要有合乎能源效益標準，所以預算呢個職位將會熱搶呀！

### 新工解構

節能係未來生活中重要嘅一環，能源審計員會按照所得結果撰寫能源審計報告，並提出同實施能源管理嘅計劃，屬於專業工種之一。



香港生產力促進局  
首席顧問方湛傑



903DJ Donald

好開心有呢啲工，極力撐！雖然家先講環保係遲咗，但總好過冇呀！最適合做呢啲工嘅人，應該係我哋嘅媽咪，因為佢哋晚晚都做緊相同嘅嘢，叫啲仔女慳電，唔好開咁多燈。我都有興趣做！我哋商台嘅花名叫「校工奴」，事關我成日幫公司慳電，日日都做唔少環保節能嘅工作㗎！




巡視及檢查唔同設備，如巡查圖中嘅水冷空調系統(節能裝置)，都係能源審計員嘅工作。



能源審計員話，LED燈可以幫助節能，而且使用壽命更長。

能源審計師必須收集唔同嘅能源使用數據，並逐一分析。



月入約15,000

### 能源審計員

工作：撰寫能源審計報告，並提出改善建議。  
要求：熱愛環保，積極主動，擁有機電工程師、電子工程師或環保工程師資格優先  
查詢：www.hkpec.org



試爆你！  
(設計對白)

月入約10,000

公測專員項目以測試公司服務性質最多，坊間亦稱之為「神秘顧客」。

問到你煩為止，哼！  
(設計對白)

測試過程好主觀，最受好評首推對方嘅禮貌同對答上嘅應變，近期最熱門係試旅行社，因為正值旺季嘛！

## 吃喝玩樂 獨家試

叫得做專員，首要係識扮嘢！唔俾測試對象知你係乜水，擺明收錢又食又拎，重有小報告打，天生麻煩友最啱做！


### 新工解構

工作內容大致分為3個部分——測試、驗證同埋報告。我哋一般會受聘於唔同嘅機構，並且扮成普通嘅顧客，享用服務後要填寫1份問卷報告，之後再分析數據。



公測專員公司  
總裁黃兆良

聽落好似幾着數，但我諗實際應該冇咁簡單！我諗請人啲陣應該好嚴謹，因為試完啲服務要寫報告，起碼書寫能力要好啦！但係我就有乜興趣喇！寧願自己俾錢去玩開心得多，玩完唔使寫報告嘛！



903DJ 少爺占

### 公測專員

工作：測試各大公司提供嘅服務，然後遞交用後報告。  
要求：有電腦使用常識、中英文書寫、樣貌普通、口密、誠實  
查詢：www.mysteryshopper.com.hk/chi

下頁再check 4大怪工



咁怪嘅！  
(設計對白)

點做㗎？  
(設計對白)

啱食咪搶囉！  
(設計對白)

能源審計員

動物奶媽

起底王

公測專員

Bid Killer

網絡狐狸精

龍尖玩家試硬！

